

২৩ দফা দাবিতে বেসরকারি শিক্ষক-কর্মচারীদের স্মারকলিপি

যাযাদি রিপোর্ট

বেসরকারি শিক্ষক-কর্মচারীদের ৫০ ভাগ মহার্ঘ ভাতাসহ ২৩ দফা দাবিতে গতকাল প্রশাসক কামাল উদ্দিনকে স্মারকলিপি দিয়েছে শিক্ষক-কর্মচারী সংগ্রামী সমন্বয় ঐক্য পরিষদ। একই দাবিতে ২৩ জুন প্রধান উপদেষ্টা বরাবর স্মারকলিপি দেয়া হবে।

স্মারকলিপিতে ৫০ ভাগ মহার্ঘ ভাতা, ১০০ টাকা বাড়ি ভাড়া ভাতার পরিবর্তে সম্মানজনক বাড়ি ভাড়া ভাতা, পূর্ণাঙ্গ ঈদ বোনাস, সরকারি নিয়মে মেডিক্যাল ভাতা, শিক্ষক-কর্মচারী স্বার্থবিরোধী জনবল কাঠামো বাতিল, অযথা শিক্ষক হয়রানি বন্ধ, বেসরকারি শিক্ষক-কর্মচারীদের বদলিকরণ প্রথা চালু, ম্যানেজিং কমিটিতে শিক্ষিত লোকদের অন্তর্ভুক্তির প্রস্তাবন জারিসহ ২৩টি

দাবি তুলে ধরা হয়।

জেলা প্রশাসকের কার্যালয়ে স্মারকলিপি দেয়ার সময় উপস্থিত ছিলেন পরিষদের প্রধান সমন্বয়ক ও বাংলাদেশ শিক্ষক সমিতির মহাসচিব মোঃ নজরুল ইসলাম রনি এবং বাংলাদেশ শিক্ষক সমিতির কেন্দ্রীয় ভারপ্রাপ্ত সভাপতি খান মতিউর রহমান। আরো উপস্থিত ছিলেন অধ্যক্ষ খালেদুজ্জামান, মোঃ নুরুল ইসলাম, মোঃ মঞ্জুরুল আমিন শেখর, মোঃ বাছির উদ্দিন, মোঃ এনায়েত হোসেন পান্না, এম এ সালাম প্রমুখ।

পরিষদের অন্য এক বিবৃতিতে অর্থ উপদেষ্টার মহার্ঘ ভাতা প্রদানের আশ্বাসে ২৬ জুনের শিক্ষা প্রতিষ্ঠানে এক ঘণ্টার কর্মবিরতির কর্মসূচি প্রত্যাহার করার কথা জানানো হয়েছে।